



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-403-4/22**
Datum: **13.09.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „HIFA-OIL“ d.o.o. Tešanj za donošenje rješenja o vodnoj dozvoli za ispuštanje oborinskih onečišćenih voda sa lokacije objekta terminala kerozina „HIFA-OIL“, izgrađenog u obuhvatu privredne zone „UNIS“ u Vogošći, na osnovu člana 109. stav (1) Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „HIFA OIL“ d.o.o. Tešanj daje se vodna dozvola za ispuštanje oborinskih onečišćenih voda sa lokacije objekta terminala kerozina „HIFA-OIL“, izgrađenog na zemljištu označenom kao k.č. broj 2751/55 K.O. Vogošća (novi premjer), što odgovara k.č. broj 1064/5 K.O. Gornja Vogošća (stari premjer), općina Vogošća.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Skladištenje kerozina vršiti u podzemnim čeličnim dvoplašnim rezervoarima ukupne zapremine $V=500 \text{ m}^3$ ($5 \times 100 \text{ m}^3$) sa pripadajućom armaturom za rukovanje, praćenje i sigurnost rada.
 - 3.3. Skladištenje i pretakanje kerozina, kao i ispitivanje ispravnosti i propusnosti rezervoara za skladištenje vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje naftnih derivata u podzemne i površinske vode.
 - 3.4. Da se oborinske onečišćene vode sa platoa oko istakališta i manipulativnih površina terminala prikupljaju sistemom slivnika sa slivnom rešetkom i internom kanizacionom mrežom odvedu do četverokomornog betonskog separatora ulja i naftnih derivata, te preko okna za monitoring odvedu i priključe na kolektor oborinske kanalizacije.
 - 3.5. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja („Službene novine Federacije BiH“, broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.
 - 3.7. Da je korisnik poslovnog objekta u obavezi da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.

- 3.8. Da prikupljanje, odvoz i konačno zbrinjavanje opasnog otpada sa lokacije predmetnog terminala sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.9. Osigurati priručna sredstva za brzu intervenciju u slučaju nekontrolisanog istjecanja kerozina, prosipanja motornog ulja, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.10. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda tačka 13. i 22. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „HIFA-OIL“ d.o.o. Tešanj, obratilo se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda sa lokacije terminala kerozina „HIFA-OIL“ izgrađenog na zemljištu označenom kao k.č. broj 2751/55 K.O. Vogošća (novi premjer), što odgovara k.č. broj 1064/5 K.O. Gornja Vogošća (stari premjer), općina Vogošća.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija Aktuelnog izvoda iz sudskog registra Općinskog suda u Zenici, broj: 043-0-RegZ-22-001802 od 23.06.2022. godine;
- Ovjerena kopija uvjerenja o poreskoj registraciji, izdatog od strane Federalnog ministarstva finansija, Porezna uprava FBiH- Kantonalni porezni ured Zenica, od 24.11.2016. godine;
- Ovjerena kopija Obavještenja o razvrstavanju pravnog lica prema klasifikaciji djelatnosti izdatog od strane Službe za statistiku za područje Zeničko-dobojskog Kantona, broj: 07-32.5-54892/17 dana 22.08.2017. godine;

- Ovjerena kopija Rješenja o odobrenju za upotrebu donesenog od strane Službe za urbanizam i prostorno planiranje općine Vogošća, broj: 05-23-2667/16 dana 16.08.2016. godine;
- Ovjerena kopija Rješenja o odobrenju za upotrebu donesenog od strane Službe za urbanizam i prostorno planiranje općine Vogošća, broj: 05-23-2054/17 dana 11.07.2017. godine;
- Ovjerana kopija Rješenja okolinske dozvole donesene od strane Ministarstva prostornog uređenja, građenja i zaštite okoliša Kantona Sarajevo broj: 05-23-11852/16 DžD dana 14.12.2016. godine;
- Ovjerana kopija Rješenja okolinske dozvole donesene od strane Ministarstva prostornog uređenja, građenja i zaštite okoliša Kantona Sarajevo broj: 05-23-15241/17 DžD dana 04.12.2017. godine;
- Ovjerena kopija Rješenja o VD donesenog od strane Agencije za vodno područje rijeke Save, broj: UP-I/25-3-40-505-4/16 dana 22.08.2017. godine;
- Ovjerena kopija Rješenja o VD donesenog od strane Ministarstva privrede Kantona Sarajevo, broj: 07-04-25-11625/17 dana 08.09.2017. godine;
- Ovjerena kopija Zemljišnoknjižnog izvadka izdatog od strane Zemljišnoknjižnog ureda Općinskog suda u Sarajevu, broj: 71257/22, ZK uložak broj: 1093, dana 02.08.2022. godine;
- Ovjerena kopija katastarskog plana izdatog od strane Službe za geodetska, imovinsko-pravne poslove i katastar nekretnina Općine Vogošća, Kanton Sarajevo UR BROJ: 08-26-4306/2022-2 dana 02.08.2022. godine;
- Ovjerena kopija posjedovnog lista broj 2631, izdatog od strane Službe za geodetska, imovinsko-pravne poslove i katastar nekretnina Općine Vogošća, Kanton Sarajevo broj: 08-26-4305/2022-2 dana 02.08.2022. godine;
- Ovjerena kopija Ugovora o isporuci pitke vode sklopljenog sa BAGS-ENERGOTEHNIKA d.d.dana 21.07.2016. godine;
- Ovjerena kopija Načelne saglasnosti za priključak na vodovodnu i kanalizacionu mrežu date od strane BAGS-ENEROTEHNIKA d.d. broj: 519-06/16 dana 27.06.2016. godine;
- Ovjerena kopija Ugovora o poslovnoj saradnji za monitoring otpadnih voda sklopljen sa „Inspekt - RGH“ d.o.o. Sarajevo dana 13.04.2017. godine;
- Ovjerena kopija Ugovora o pružanju usluga čišćenja separatora i zbrinjavanje svih vrsta opasnog otpada, sklopljenog sa „AIDA COMMERCE“ d.o.o. Sarajevo dana 06.07.2022. godine;
- Izveštaj o monitoringu kvaliteta i kvantiteta otpadnih voda naftnog terminala „HIFA-OIL“ u Vogošći, urađen od strane „Inspekt – RGH“ d.o.o. Sarajevo, juni 2022. godine;
- Projekat izvedenog stanja – elektroinstalacije i mašinske instalacije, urađen od strane „Arhitektonski studio Zakomac“ d.o.o. Sarajevo, juli 2016. godine;
- Dokaz o uplaćenju upravnoj pristojbi.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz Rješenja o vodnoj dozvoli (broj: UP-I/25-3-40-505-3/16 od 29.09.2016. godine i broj: UP-I/25-3-40-505-4/16 od 22.08.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 01.09.2022. godine konstatovano je da podnosilac zahtjeva «HIFA-OIL» d.o.o. Tešanj redovno izmiruje svoje obaveze uplate posebnih vodnih naknada za naftni terminal „HIFA-OIL“ u Vogošći.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-403-2/22 dana 07.09.2022. godine.

Na osnovu izvršenog uviđaja na licu mjesta je utvrđeno:

Objekat predmetnog terminala izgrađen je u sklopu industrijskog kompleksa „UNIS“ u Vogošći. a u energetskom bloku ugrađeni su ukopani dvoplašni rezervoari sa pratećim sadržajima za skladištenje kerozina sa nadstrešnicom. Postojeće postrojenje ukopanih rezervoara, sačinjeno je od pet dvoplašnih

čeličnih rezervoara zapremine po 100 m³, za uskladištenje i pretakanje kerozina. Izvršena je i ugradnja dva uređaja za pretakanje, kao i ugradnja dva cjevovoda od mobilnog postrojenja za pretakanje goriva do skladišnih rezervoara. Uređaji za pretakanje su izvedeni tako da je isključena mogućnost prosipanja ili propuštanja zapaljivih tečnosti prilikom pretakanja ugradnja mobilnog postrojenja za pretakanje tečnog goriva. Kerozin se putem pumpnih agregata i cjevovoda transportuju do rezervora za skladištenje.

Onečišćene oborinske vode koje nastaju na lokaciji predmetnog terminala prikupljaju se putem linijskih rešetki i slivnika i internom kanalizacionom mrežom odvede do četverokomornog betonskog vodonepropusnog separatora, a zatim prečišćene vode internom kanalizacionom mrežom do priključka na kanalizacioni kolektor, čiji je ispušt izveden u rijeku Vogošću. Oborinskim kolektorom upravlja firma „BAGS-ENERGOTEHNIKA“ d.d., koja nema vodnu dozvolu datu od strane ove Agencije za ispuštanje otpadnih voda u otvoreni vodotok.

Razmatrajući podneseni zahtjev, a na osnovu dostavljene projektne i druge dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u dispozitivu ovog Rješenja, propisani uslovi u skladu sa odredbama Zakona o vodama, Pravilnika o sadržaju, obliku, uvjetima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje VD za ispuštanje oborinskih onečišćenih voda, te je riješeno kao u dispozitivu ovog Rješenja.


Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

u Po ovlaštenju
Rukovodilac sektora za izdavanje vodnih akata

Haris Ališehović, dipl.ing.građ.

PRILOG: Projekat izvedenog stanja, knjiga 2, urađen od strane „Arhitektonski studio Zakomac“ d.o.o. Sarajevo

Dostaviti:

- „HIFA-OIL“ d.o.o. Tešanj, Bukva 10, 74260 Tešanj (sa prilogom)
- AVP Sava, ISV – Vodna knjiga
- Sektor 50
- ⊖ Sektor 40, arhiva
- Oglasna ploča AVP Sava

Dana 13. 09. 2022. g.
preuzeto Rješenje o VD.
! Projekat izvedenog stanja
dostavljen uz zahtjev.
AOTPI S:
Pandor Amor